



Inatsisartunut ilaasortaq Naaja H. Nathanielsen, Inuit Ataqatigiit
C/O Inatsisartut allattoqarfiat
/Maani

Apeqqueteqaammut § 37 nr. 90 2014 -imut Akissut

Apriliip sisamaanni 2014-imi Naalakkersuisunut apeqquut imaattoq apeqquutigisimavat:

Aappariit suiaaqatigiissut aappariinnut suiaaqatigiinngitsunut inatsiseqarnikkut
pisortaniillu neqeroorutaasartut eqqarsaatigalugit naligiissumik atugassaqartinneqarpat?

Taamaangippat: sutigut aappariit suiaaqatigiissut suiaaqatigiinngitsullu naligiissumik
atugaqanngillat?

09-05-2014
Sags nr. 2014-098560
Dok. nr. 1572214

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inuiaqatigiit kalaallit akornanni aappariit suiaaqatigiissut suiaaqatigiinngitsullu
sapinngisamik tamatigut naligiissumik atugaqassasut Naalakkersuisut kissaatigaat,
assigiinngisitsinerlu toqqaannartumik toqqaannngitsumilluunniit pisoq
qaqugukkulluunniit pinngitsoortinneqassasoq.

Naalakkersuisut isumaqarput suiaaqatigiinngitsut suiaaqatigiissullu akornanni
peqqinnissaq eqqarsaatigalugu neqeroorutaasartuni tamakkiisumik naligiissoqartoq.

Taamaapportaaq inunnik isumaginninnermi inatsisini, tassunga atatillugu erninermut
tunngatillugu sulinngiffeqartarnermi, utoqqalinersiutini sulisinnaajunnaarnersiutillu
eqqarsaatigalugit Naalakkersuisut isumaqarput suiaaqatigiinngitsut suiaaqatigiissullu
akornanni Kalaallit Nunaanni tamakkiisumik naligiittoqartoq.

Ilaqutariinnerup iluani inatsiseqarneq eqqarsaatigalugu Kalaallit Nunaanni danskit
malittarisassaata ilaatigut suli atuupput. Ingammik oqaluffimmi katittarnerup
meerarsiartaartarnerullu iluani.

Suiaaqatigiissut suiaaqatigiinngitsutulli katittarnissaat pillugu Inatsisartut ukiakkut
ataatsimiinneranni 2014-imi aalajangiiffigisassatut siunnersuut sammisussaayaat.
Tassani suiaaqatigiissut suiaaqatigiinngitsullu katissimasutut inuunermi naligiissumik
atugaqalernissaat qangalili kissaatigineqartoq anguniarneqarpoq.

UKA 2014-imi allanguutissatut siunnersuutit sammineqarnissaat eqqarsaatigalugu
malittarisassiulersaartoqarpoq suiaaqatigiillutik aappariit meerarsiartaarnissaannut
tunngasumik (anaanaaqatigiinneq pillugu malittarisassat) taakkulu Kalaallit Nunaannut
suli atuutinnngillat. Naalakkersuisut eqqumaffigaat suiaaqatinoortunut tassani
assigiinngissitsisoqartoq, naatsorsuutigaallu malittarisassat taakku qaninnerpaaq
atorlugu Kalaallit Nunaanni atuutilersinneqassasut.

Inussiarnersumik inuulluaqqusillunga


Aleqa Hammond